



تاریخ وادستان

جلد ۱۳۳۶

مجموعه کتب خطی
۱۳۳۶

هم مخلصم که نظم ایله ایتشدی سل سیف
بومصرعی بنچون او قورمش شتا و صیف
سویلك (ندیه) زار ایله کرم الفت اولسون

جد من محمد امیری چلبی نك غزل

مرشد قابل ارشاد که دیر لر او بز
مظهر فیض خداداد که دیر لر او بز
حجاء طبع منك بکر سخن محرمیدر
شاهد معنی به دادم که دیر لر او بز
کره کشمکش طره طرارندن
حشره دك اولیان آزاد که دیر لر او بز
نیم بسمل شده تیغ تغافل دکلر
کشته غمزه جلاد که دیر لر او بز
پیرو نابی ز اما که (امیری) سوزده
فیض پرورده استاد که دیر لر او بز

نظیره شیخ اسعد غالب مولوی

کشته غمزه جلاد که دیر لر او بز [۱]
نوش خون دله معتاد که دیر لر او بز
سینه پر آتش و دل کوهر عشقیله طولی
برق خیز ابر کهرزاد که دیر لر او بز

[۱] شیخ غالب مولوی کبی موقعی پک عالی اولان برشاعر مستثنای رومک،
تاج شهیت غزل اتخاذ ایله یکی شو ایلك مصراع شیخ مشار الیهک تولندن
۳۴ سنه مقدم مملکتی اولان دیار بکرده وفات ایدن جد من محمد امیری چلبی دن
مقتبس و یا متوارد در .
ایشته بو ذاتک آلتنجی بطنده حفیدی بولنان بو عبد عاجز تحدیث نعمت
قیلندن اوله رق بوندن قرق سنه اول بر غزل مقطعه شو بیتی تحریر ایلشدی .
امیر اولیق طبعیدر (امیری) شاعران اوزره
اولونجه بن کبی برشاعر صاحب نسب پیدا

نار سا مصرع برجسته مزه چوپ کلیم
 قادر سحر نوا ایجاد که دیر لر او بز
 بی وجود ز، ینه بر باد کن ملک غمیز
 بی کی آتش فریاد که دیر لر او بز
 (اسعدا) معنی نو، طفل نو آموز بزه
 فن اندیشه ده استاد که دیر لر او بز



نامق کمال بکاک غزلی

شعله دلدن جوش ایدر، سودا سپرمدن رنک رنک
 قیل نکام آثار عشقه پیکرمدن رنک رنک
 سینه سوز داغ هجرانم بهار فیض عشق
 لاله لر پیدا ایدر خاکسترمدن رنک رنک
 کام غرق خون دل، که ریزه الماس پوش
 جوهر جاندر کلن اشک ترمدن رنک رنک
 رویک اولدقجه ضیا پاش تلون دیده ده
 شعله جواله قالدقار منظرمدن رنک رنک
 بلبل طاوس نقش همتم ایلر ظهور
 باغ جنت سایه بال و پرمدن رنک رنک
 شعله ور پروانه جبریل فیض وحدتم
 نور آقار مشکاة عرشه شهرمدن رنک رنک
 ساحه باغ سلام سینه برداغ ایله
 بیک کل نور آچیلور هراخکرمدن رنک رنک
 آفتاب محشر عشقم ضیا پاش شهود
 منجلیدر ابر رحمت خاورمدن رنک رنک